

de la residence de sainct Ioseph, pour louer les vns du courage qu'ils font paroistre pour la foy, & pour animer les autres à l'embrasser, l'un de ceux qui participoit le plus à ces riches prefès, voyât que Mr. [193] le Gouverneur estoit sur le point de congédier l'affemblée, luy adressa ces paroles: Nostre Capitaine vous scauez bien l'estime que nous faisons des prefens de vostre grand Roy, nous les logions bien haut, afin que le monde les vist; nous les conferuions exprés pour conferuer la memoire de ses liberalitez, & de son amour en nostre endroit: maintenant que le feu nous les a ravis, escriuez, s'il vous plaist, au Roy que ce n'est point nostre faute: nous les auions mis en garde en la maison de nos Peres, le feu s'y estât pris nous n'en fommes point coupables. Ces bonnes gens qui ne se font que rire dans leur pertes, nous portoient compassion dans la nostre: aussi est-il vray qu'ils y ont de l'interest que Dieu foit beny à iamais. Fust-il ainsi que ce brasier eust consommé toutes mes offenses.

Puis que ie ne fais icy qu'un ramas de choses découuës, ie toucheray vne ou deux coustumes de ces peuples, que j'ay apprises de nouveau.

Les ieunes gens qui se marient viuent quelquefois deux ou trois mois avec [194] leurs espoufées sans les toucher. Nous auons appris cette coustume à l'occasion de quelques ieunes Chrestiens nouvellement mariez: car comme on les instruisoit sur l'honnesteté & sur la chasteté coniugale, quelques-vns nous dirent, ne vous mettez pas en peine, nostre coustume est de respecter celles que nous aimons, & de les tenir un long temps comme nos parentes sans les toucher.

Un Sauvage estant fort malade on nous appella